

Angajoqqaat erninermi sulinnigiffeqarnerup naammassereersimanerani paarsisussarsisimannigitsunut pisortat qanoq ikiorsiisinnaaneranut tunngasumik, siunnersuummik saqqummiussisussamik, suleqatigiissitaq nalunaarummik suliaqartussamik pileritsisoqarnissaanik Naalakkersuisut peqquneqassasut Inatsisartunut aalajangiiffigisassatut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaassapput. Suleqatigiissitaq innersuussutini kingusinnerpaamik 1. Januar 2024 saqqummiutereersimassavaat. (Demokraatit Inatsisartuni gruppia)

pillugu

Ilaqutariinnermut Peqqissutsimullu Ataatsimiititaliap

siunnersuutip aappassaaneerpeqarnerannut

ISUMALIUTISSIISSUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Bjørk L. Kristensen, Demokraatit, siulittaasup tullia
Inatsisartunut ilaasortaq Hans Peter Poulsen, Siumut
Inatsisartunut ilaasortaq Mikivuk Thomassen, Inuit Ataqatigiit
Inatsisartunut ilaasortaq Eqaluk Høegh, Inuit Ataqatigiit
Inatsisartunut ilaasortaq Najaaraq Møller, Siumut
Inatsisartunut ilaasortaq Paneeraq Olsen, Naleraq

17. maj 2023-imi UPA2023-imi siullermeerinerup kingorna siunnersuut ataatsimiititaliap misissorpaa.

Siunnersuutip imarisaa siunertaalu

Siunnersuutip akuerineqarneratigut nalunaarusiamik suliaqartussamik suleqatigiissitamik pilersitsisoqarnissaanik Naalakkersuisut peqquneqassapput. Angajoqqaat erninermi sulinnigiffeqarnerup naammassereersimanerani paarsisussarsisimannigitsut pisortat ikiorsiisinnaaneranut- aamma siunnersuutit piviusunnngortinneqarpata angajoqqaat sulinnigiffeqarneranni pisortanut qanoq aningaasatigut kinguneqassanersoq pillugu

nalunaarusiaq siunnersuummik imaqassaaq. Suleqatigiissitap innersuussutini kingusinnerpaamik 1. januar 2024-imi saqqummiutereersimassavaa.

Siunnersuutip Inatsisartunit siullermeerneqarnera

Naammattunik meeqqerivinni inissaqartitsinnginnerup ajornartorsiutaanera, oqartussaqaarfimmit sorlermit akisussaaffigineqarnerisooq pillugu ajornartorsiutillu aaqinneqqarsinnaaneranut tunngatillugu oqallittoqangaatsiarpoq. Ajornartorsiutaasooq pillugu Naalakkersuisut kommuninik oqaloqateqarlutik aallartereersimanerat innersuussutigalugu siunnersuutip itigartitsissutigineqarnissaa Naalakkersuisut inassutigaa. Taamaattumillu immikkoortoq ataatsimiititaliami suliarineqartussanngorlugu ingerlatinneqarluni.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunnngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut.

Siunnersuutip piviusunnngortinneqarnissaanut 1 mio.-inik aningaasartuuteqarnissaaq siunnersuuteqartup naatsorsuutigaa.

Ataatsimiititaliap siunnersuummik suliarinninnera

Meeqqerivinni naammattunik inissaqarnissap qulakkeerneqarnissaa kommuninit akisussaaffigineqarmat Naalakkersuisut oqaatigigaat ataatsimiititaliap maluginiarpaq. Meeqqat kikkut siulliullutik meeqqerivinni inissinneqartarnissaanut meeqqerivinnilu inissaaleqisoqartarnera pissutigalugu utaqqisoqarnerani kommunit nammineerlutik pingaarnersuisinnaatitaammata ataatsimiititaliamit maluginiarneqarpoq. Taamaattumik ataasiakkaani utaqqisut amerlanerusartut sumiiffinnilu mikinerusuni ajornartorsiutit annikinnerusartut Naalakkersuisut oqarmata ataatsimiititaliamit isumaqatigineqarpoq. Ajornartorsiutigineqartorli pillugu oqaloqatigiinnerinnaassanngitsoq, oqaloqatigeereernerulli kingorna iliuuseqartoqarnissaa pingaaruteqartoq ataatsimiititaliamit oqaatigineqassaaq, taamaalillunilu siunissami aaqqiissutissamik nassaartoqarnissaa naatsorsuutigalugu.

Ataatsimiititaliap inassuteqaatai

- Ataatsimiititaliaq isumaqatigiittoq imaattumik allannguutissatut siunnersuummik saqqummiussaqaarpoq taassumalu akuerineqarnissaa inassutigalugu:

”Kommunit oqaloqatigalugit angajoqaat meerartaareernerup kingorna angajoqqaallu sulinnigiffeqarnerisa qaangiunnerani paarsisussarsineqarsimannngitsut pisortanit qanoq taarsiiffigineqarsinnaaneri pillugu siunnersuuteqartussamik nalunaarusiamik suliaqaqqullugit Naalakkersuisut peqquneqarnissaat pillugu Inatsisartut aalajangiiffigisassaattut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaassapput, kingusinnerpaamillu ulloq 1. januar 2024-imi saqqummiutereersimassavaat”.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Mala Høy Kúko
Siulittaasoq

Bjørk L. Kristensen
Siulittaasup tullia

Hans Peter Poulsen

Najaaraq Møller

Mikivsuk Thomassen

Eqaluk Høegh

Paneeraq Olsen